

.eus erregistro-politika

Definizioak

Erregistro-politikak .eus domeinuaren izen-erregistroak arautzen dituzten baldintzak biltzen ditu. Erregistro-politika honetan:

- a. **«Erregistrantea», «Zu»** eta **«Zure»** .eus domeinu-izena erregistratzea eskatu duen edo erregistratu nahi duen gizabanakoari edo erakundeari dagozkio.
- b. **«Erregistro-operadorea», «Erregistro», «Gu»** eta **«Gure»** PuntuEUS Fundazioari dagozkio, .eus lehen mailako domeinua zuzentzeaz arduratzen den erakunde gisa, zuzenean edo baimendutako eragilearen bidez jarduten duen kontuan izan gabe.
- c. **«Erregistro-datuak»** .eus domeinu-izen bat baliozko moduan erregistratu ahal izateko Erregistroari eman beharreko datu-pertsonal eta informazio-multzoari dagokio.
- d. **«Erregistro-politika»** .eus domeinu-izenen Erregistro-politika honi dagokio.
- e. **«ICANN»** Internet Corporation for Assigned Names and Numbers izenaren laburdura da.

1. Erregistro-politikaren onarpena

- 1.1. .eus domeinu-izen bat erregistratzea edo domeinu-izen bat mantentzea edo berritzea eskatzen baduzu, jarraian adierazitakoen mende egotea onartzen duzu legez:
 - a. .eus lehen mailako domeinuaren Erregistro-operadoreak ezarritako Erregistro-politika hau, bere bertsiorik berrienean;
 - b. .eus domeinu-izena eskatzeko erabilitako Erregistradoreak (.eus domeinu-izenen erregistroa eskaintzeko ICANNek eta Erregistroak akreditatutako erakundea) emandako Erregistro-hitzarmena; eta
 - c. ICANNek noizbehinka agindutako beste edozer politika.
- 1.2. Honen bitartez adierazten eta bermatzen diguzu, zure Erregistro-hitzarmenean zure .eus domeinu-izena erregistratzeko erabili zenuen Erregistradorearekin egindako adierazpenak osoak eta zehatzak direla.

- 1.3. Onartzen eta aitortzen duzu zuk duzula zure .eus domeinu-izenaren erregistroa eta erabilera Erregistro-politika hau betetzen duela zehaztearen ardura bakarra.
- 1.4. Zure .eus domeinu-izena bat etorriko da ICANNek eta Guk ezarritako sintaxi-arauekin, eta ez da guk ezarritako gordetako izenetako bat izango. Badakizu sintaxi-arauen, gordetako izenen edo Erregistro-politikaren aurka erregistratutako domeinu-izena diru-itzultzerik gabe baliogabetu daitekeela. Baliogabetuz gero, ez gara inola ere erantzule izango.
- 1.5. Ezin dugu bermatu nahi duzun domeinu-izena lortuko duzula, eskatzerakoan, ikerketa batek domeinu-izen hori eskuragarri dagoela adierazten badu ere.
- 1.6. Badakizu eta onartzen duzu hautatutako .eus domeinu-izenaren erregistroak ez duela immunitaterik ematen domeinu-izena erregistratzeko edo erabiltzeko kontrako arrazoen aurrean, beherago azaldutako 5. xedapenari jarraiki.

2. Hautagarritasun baldintzak

2.1. .eus komunitatearekiko lotura.

.eus domeinu-izena erregistratzeko eta berritzeko, erregistratze garaian eta aurrerantzean .eus komunitatearekiko lotura duen gizabanakoa edo lege-erakundea izan behar zara.

.eus lehen mailako domeinuaren mendeko erregistroak bi baldintza hauek betetzen dituztenei mugatuta daude:

- a. Euskal hizkuntza- zein kultura-komunitateko kidea izatea Interneten. Euren online komunikazioetarako euskara erabiltzen (edo erabiltzeko konpromisoa hartzen) duten, edota euskal kulturaren alderdiak online sustatzen dituzten, edota euren online komunikazioak eta zerbitzuak komunitate horri zehazki zuzendu nahi dizkioten horiek osatzen dute komunitatea.
- b. Erregistrantearen ekintzek euskal hizkuntza- eta kultura-komunitatean eta erregistrantearen erregistratutako domeinu-izenaren erabilerak honelakoak izan behar dute:
 - 1) oro har legezkoztat jotakoak izatea; eta
 - 2) euskal hizkuntza- eta kultura-komunitatearen kausarentzako eta baloreentzako onuragarriak;
 - 3) erregistratutako domeinu-izenaren rolaekin eta garrantziarekin bat datozenak; eta

4) fede onekoak erregistratzeko garaian eta aurrerantzean.

Erregistranteek erregistratutako domeinu-izenari eman nahi dioten erabilera adierazi behar dute. Nahitako erabileraren adierazpen faltsua fede txarraren adierazpena da, eta domeinu-izena eteteko oinarria izan daiteke.

Erregistratzerako garaian eta .eus domeinu-izenaren bizitza osoan, aurretik adierazitako eremu guztiak betetzen dituzula frogatzeko gai izan behar zara. Komunitatearekiko lotura ondoko balioztapenaren mende egongo da, lehen mailako domeinuaren oinarria eratzen duten irizpide beretan oinarritutako onarpen-programa zabalaren bitartez.

2.1.1. Izen geografikoak

Euskara bertako hizkuntzatzat duten eremuetako izen geografikoak, monumentuak, ikurrak edo leku ezagunak erregistratzeko, edo lurralde horretan esanguratsua eta sinbolikoa den beste edozein izen erregistratzeko -haien aldaerak eta laburdurak barne-, beharrezkoa da PuntuEUS Fundaziokoa izatea edo haren baimena izatea.

2.1.2. Agintaritza eta zerbitzu publikoen izenak

Hauek erregistratzeko, beharrezkoa da aipaturiko agintaritza publikoetako bat izatea edo haien baimena edukitzea:

- a. Euskara bertako hizkuntzatzat duten eremuetakoak diren edo eremu horietan eskumenak dituzten maila guztietako agintaritza publikoen izenak, haien aldaerak eta laburdurak barne, baita haiek deskribatzeko erabili ohi diren bestelako izen arruntak ere.
- b. Zerbitzu publiko bati zuzenean edo zeharka loturiko izenak, euskara bertako hizkuntzatzat duten eremuetako agintaritza publikoek zerbitzu publiko horretan berariazko ardurak dituztenean (adibidez, ordena eta segurtasun publikoa, gai publikoak eta erakunde arteko harremanak, osasun publikoa, zerga-sistema, garapen eta sustapen ekonomikoak, garraioa, hirigintza eta ingurumenaren babesa, kultura eta hezkuntza, herritarren parte-hartzea eta turismoa).

Atal honetan, "Agintaritza publikoa" terminoak hau adierazten du: nazioarteko, estatuko nahiz eskualdeko agintaritza publikoak, baita toki- eta udal-agintaritzak ere; barne hartzen dira, beste batzuen artean, euskara bertako hizkuntzatzat duten eremuetakoak diren

edo/eta eremu horietan eskumenak dituzten agentziak, kontsortzioak, batzordeak eta bestelako administrazio-erakundeak.

2.2. "Lehena iristen dena lehenengo" araua

Erregistratzearen fase jakin batzuetan bestela ezartzen ez bada, .eus goi-mailako domeinuaren barruan domeinu-izenak erregistratzeko, "lehena iristen dena lehenengo" irizpidea erabiliko da; hots, erregistratzaileen eskaerak haiek jasotzen diren ordena kronologikoan prozesatuko dira.

2.3. Arau sintaktikoak

Zure .eus domeinu-izenak ICANNek ezarritako estandar sintaktikoak bete behar ditu.

Euskaraz eta latindar alfabetoa darabilten gainerako hizkuntzetan erabiltzen diren zenbakiak, letrak, marratxoak eta beste karaktere guztiak onartzen dira.

2.4. Izen erreserbatuak

Erregistroak zenbait .eus domeinu-izen erregistrotik kanpo utz ditzake eta, zenbait egoeratan, utzi behar ditu.

2.4.1. ICANNen eskakizunen arabera erreserbatutako izenak

Erregistroak ezin ditu erregistratu ICANNen domeinu-izen erreserbatuen kategorien zerrendan agertzen direnak, zenbait baldintzatan izan ezik. Baldintza horiek Erregistro Hitzarmeneko 5. xedapenean azaltzen dira. "Erregistro Hitzarmena": erregistroaren kudeatzaileak eta ICANNek 2013ko abenduaren 12an sinatutako kontratua da; hemen eskura daiteke:

<https://www.icann.org/resources/agreement/eus-2013-12-12-en>

2.4.2. Erregistroak erreserbatutako izenak

Ahalmen eta eskubide hauek izango ditugu, Geure nahierara erabiltzeko:

- a. Domeinu-izen jakin batzuk erregistra daitezela eragozteko ahalmena, edo baldintza jakin batzuetan bakarrik erregistratzea baimentzeko ahalmena;
- b. Aipaturiko domeinu-izenak noiz eta zer egoeratan erregistra daitezkeen eta/edo nola erabil daitezkeen zehazteko eskubidea.
- c. Erreserbatutako terminoen zerrenda argitaratzeko edo ez argitaratzeko eskubidea.

3. Zure .eus domeinu-izenaren erabilera

Zuk, erregistranteak, jarraian adierazitakoa onartzen duzu:

- a. Erregistratutako .eus domeinu izenaren erregistroaren eta erabileraren erantzukizun osoa duzu. Beste pertsona bati zure .eus domeinu-izena erabiltzen uzten badiozu, zure domeinu-izena oker erabiltzeagatik erantzule izan zaitezke (hau da, zuk erregistratutako domeinu-izena), hirugarrenen aurrean.
- b. .eus domeinu-izena erabiltzeko modua honelakoa izango da:
 - i. orokorrean legezkoa jotakoa;
 - ii. euskal hizkuntza- eta kultura-komunitatearen kausarentzako eta baloreentzako onuragarria;
 - iii. erregistratutako domeinu-izenaren eginkizunarekin eta garrantziarekin bat, erabiltzaile orokorraren zentzuzko iritzia arabera, domeinu-izen horren eremuan; eta
 - iv. fede onekoa erregistratzeko garaian eta aurrerantzean.

Baldintza horiek betetzen ez dituzten izenak honako hauek izango lirateke, besteak beste, erregistro operadorearen nahierara:

- Jendea engainatzen dutenak; adibidez, adierazitako toki geografikoaren edo euren jatorriaren izaera ofizialaren inguruan;
 - Jendeak hautatutako izenari emandako esanahi nagusia edo ospea modu bidegabean aprobetxatzen dutenak; edo
 - Interes publikoaren ikuspegitik, aipatutako domeinu-izenaren eduki potentziala oztopatzen dutenak, izenaren esanahi nagusia (hau da, deskribatzailea edo generikoa den) edota jendeak izenari emandako ospea kontuan izanda.
- c. Ez duzu Zure .eus domeinu-izena hirugarrenen eskubideak urratzeko erabiliko, besteak beste, hirugarrenen jabetza intelektualeko eskubideak zentzu zabalenean barne hartuta baina horietara mugatu gabe.
 - d. Ez duzu Zure .eus domeinu-izena hirugarrenen independenteei hirugarren mailako domeinu-izenen erregistroa hirugarrenei eskaintzeko erabiliko, erregistro komertzialeko zerbitzu gisa.
 - e. Ez duzu Zure .eus domeinu-izena eskatu gabeko publizitate komertziala bidaltzeko erabiliko, Interneteko lege aplikagarrien edo ohiko erabilera-politika onargarrien aurka.

- f. Ez duzu malwarerik zabalduko, botnetak modu iraungarriak operatuko, phishing egingo, lapurtuko, markarik edo copyrightik hautsiko, iruzurreko praktikarik gauzatuko, faltsutuko, edo aplikatutako legearen aurkako jarduerarik gauzatuko.
- g. Ez duzu Zure .eus domeinu-izena beste domeinu-izen batzuk saltzeko, berriz saltzeko edo transferitzeko erabiliko. Are gehiago, ez diozu hirugarrengoi hori lortzeko aukera emango edota borondatez lagunduko.
- h. Ez duzu Zure .eus domeinu-izena .eus komunitatearen izena, irudia edo ospea kaltetuko duen edo ospea galaraziko dioen moduan erabiliko.

4. Onarpen eskubideak gordetzea

- 4.1. Honako eskubide hauek gordetzen ditugu, gure nahierara:
 - a. eskatutako edo erregistratutako .eus domeinu-izena ukatzea edo baliogabetzea, lehenago adierazitako 2. atalean azaldutako hautagarritasun-baldintzak urratzeagatik (adibidez, komunitatearekiko loturaren falta); eta
 - b. .eus edozer domeinu-izenaren erregistroa etetea edota baliogabetzea, Erregistranteak 2.1 xedapenean eskatutako .eus komunitatearekiko lotura galtzeagatik.

4.1 Xedapenaren mendeko zure .eus domeinu-izena emateko, ukatzeko edota eteteke gure erabakia 5.1 c xedapenean aipatutako .eus hautagarritasun eta birplanteatze gatazkak konpontzeko prozeduraren (HBEKP) bidez jarri daiteke zalantzan.

- 4.2. Guk eta gure akreditatutako erregistroek zure .eus domeinu-izenaren erregistroa ukatzeko, eteteke edota baliogabetzeko eskubidea gordetzen dugu, gure nahierara, honako kasu hauetan:
 - a. Erregistro-politika hau jarraitu ezean, zure .eus domeinu-izena zuzenean edo zeharka 3. xedapenean azaldutako betebeharren aurka erabiltzea barne hartuta baina horretara mugatu gabe;
 - b. Erregistro-datuetan informazio okerra edo ez fidagarria ematen duzu nahita, edo ez duzu hori berehala eguneratzen nahita edo modu arduragabean;
 - c. Ez diezu hamar (10) eguneko epean erantzuten Erregistroak edo domeinu-izena erregistratzeko erabili den saltzaileak edota guk Zure domeinu-izenari lotutako Erregistro-datuen zehaztasunaren

edo Zure .eus domeinu-izenari lotutako beste edozer gertaeraren inguruko galderei erantzuten;

- d. Zuk edo hirugarrengo alderdiak legez kanpoko jarduerak gauzaten ari zaretela dirudizue, Zure .eus domeinu-izenaren erabileran;
- e. Zure domeinu-izena hirugarrengo eskubideak urratzen dituela edo urra ditzakeela dirudi;
- f. Erregistroak edo akreditatutako Erregistradoreek aplikatzen den edozer lege, aginpiderekiko, politika publikoarekiko edo hirugarrengoarekiko hitzarmena haustea eragiten duen jokabidea hartu duzu; edota
- g. Legeak, auzitegiak edo beste aginpide eskudunak hala egitea eskatzen digu.

Erregistro-politika hau betetzen ez duzula edo Erregistro-datuak zehatzak ez direla erabakitzen badugu, harremanetan jarriko gara Zurekin, egoera argitzeko/zuzentzeko. Domeinu-izena etenda gera daiteke Erregistroak kautelazko neurri hau hartzea erabakiz gero. Hamabost (15) eguneko epean Erregistro-politikak betetzea akreditatzen ez baduzu, Erregistroak Zure .eus domeinua eten edo baliogabetu dezake. 4.2 Xedapenaren arabera zure .eus domeinu-izena eten edota baliogabetuz gero, badakizu erregistroaren kuotak ez zaizkizula itzuliko eta ados zaude horrekin.

4.2 Xedapenaren arabera, Zure .eus domeinu izena eteteko edota baliogabetzeko gure erabakia zalantzan jarri dezakezu hautagarritasun eta birplanteatze gatazkak konpontzeko prozedura jarraituz («HBEKP»); hori hemen aurkitu daiteke: <https://www.domeinuak.eus/eu/erregistratu/domeinuaren-araudiak/>

- 4.3. Halaber, erregistroak ukatu, indargabetu, egoeraz aldatu, bertan behera utzi eta/edo transferitzeko eskubidea ere izango dugu, honetarako beharrezkotzat jotzen badugu: (i) .eus Erregistroaren ongizatea, segurtasuna eta egonkortasuna babestea; (ii) aplikagai diren legeak, gobernu-arauak edo -betebeharrak eta legea indarrean jartzeko eskaerak betetzea, eta gatazkak ebazteko prozesuekin bat etortzea; (iii) guk edo gure agente, funtzionario, zuzendari, ordezkari, langile eta akziodunek erantzukizun zibil nahiz kriminalak izan ditzatela eragozte.
- 4.4. Arau-urratzea epe horren barruan zuzentzen ez bada edo arau-urratzeari buruzko erreklamazio bat abian ez badago, zure .eus

domeinu-izena epe luzeago batez indargabetu ahal izango dugu, edo bertan behera utzi ahal izango dugu. Zure .eus domeinu-izena artikuluko honetan jasotakoaren ondorioz indargabetuta geratzen bada edo/eta bertan behera uzten bada, ez zaizu erregistratzearen dirua itzuliko.

- 4.5. Horrez gain, erregistroak ukatu, indargabetu, egoeraz aldatu, bertan behera utzi edo transferitzeko eskubidea izango dugu, baldin eta honetarako beharrezkotzat jotzen badugu:
 - a. .eus erregistroaren ongizatea, segurtasuna eta egonkortasuna babestea.
 - b. PuntuEUS Fundazioak edo bere agente, funtzionario, zuzendari, ordezkari, langile eta akziodunek erantzukizun zibil nahiz kriminalak izan ditzatela eragozte.
 - c. Aplikagai diren lege eta araudiak betetzeko, eta sor litezkeen gatazkak ebazteko prozesuekin bat etortzea.
 - d. Eskumena duen auzitegi batek emandako aginduak betetzea

5. Gatazkak konpontzeko politikei men egitea

5.1. Zure .eus domeinu-izenaren inguruko gatazka guztiak konpontzeko, ICANNen zein gure politika eta prozedura guztiei atxikitzea eta horiek betetzea onartzen duzu. Zehazki, hirugarrenengo edozer alderdi legitimok zure .eus domeinu-izenaren erregistroaren aurka aurkeztu ditzaketen auziak gatazkak konpontzeko hurrengo politiken mende jartzea onartzen duzu:

- a. Erreferentziaz erregistro-politika honetan sartutako ICANNek hartutako Domeinu izen uniformearen gatazkak konpontzeko politika. Hemen aurkitu daiteke: <http://www.icann.org/en/help/dndr/udrp/policy> («**DIUP**»). DIUP prozeduren bitartez, hirugarrenengo edozer alderdik zure .eus domeinu-izenaren aurka hasitako gatazka <http://www.icann.org/en/dndr/udrp/uniform-rules.htm> helbidean eskuragarri dauden arauak eta gatazka administratiboak konpontzeko hautatutako zerbitzu emailearen arau osagarriak jarraiki burutuko dira.
- b. ICANNek hartutako eta hurrengo helbidean eskura daitekeen etete uniforme azkarraren («**EUA**») politika eta EUA prozedura (

<http://newgtlds.icann.org/en/applicants/urs>); bai eta ICANNek agindutako beste edozer gatazka-politika, jabetza intelektualaren jabeek hasitako aldarrikapenen ondoriozko domeinu-izenaren etete azkarreko prozesuak barne baina ez horietara mugatuta; eta

- c. .eus Hautagarritasun eta birplanteatze gatazka konpontzeko prozedura («**HBEKP**»); horrek .eus domeinuan erregistratzeko hautagarritasunaren inguruko gure erabakia eztabaidatzeari buruzko baldintzak azaltzen ditu, eta hemen aurkitu daiteke: <https://www.domeinuak.eus/eu/erregistratu/domeinuaren-araudiak/>

- 5.2. Badakizu eta onartzen duzu balitekeela Erregistroak zure .eus domeinu-izenaren erabilera lasaia eta etengabea bermatu ezin ahal izatea, hirugarrengo legitimo batek arrakastaz eztabaidatuz gero, aurretik aipatutako gatazka konpontzeko mekanismoetako baten bidez edo jurisdikzio eskudunaren zein bestelako aginpide publiko eskudunaren aginduaren bidez.

6. Erregistro-datuei eta pribatutasunari buruzko atala

Zure Erregistratze-datuak nola tratatzen ditugun azaltzen du ondorengo informazioak, ICANNen politikak, Europako Batasunaren Datuak Babesteko Erregalagendu Orokorra (DBEO), eta aplikagarria den beste edozein araudi kontuan izanik.

Tratamenduaren arduradunak

ICANN, Gu Erregistro moduan, Zure Erregistratzailea eta, hala badagokio, banatzailea, domeinu-izenen erregistroa gauzatzeko eskatutako datuen tratamenduaren baterako arduradunak (edo Datuen arduradunak, hala zehazten denean) gara Tratamendu horren alderdi nagusiak hauek dira, besteak beste: domeinu-izenak transferitzea, zure domeinu-izena ebatzi ahal izatea eta informazioa eskura jartzea Whois zerbitzuaren bidez.

ICANN Kaliforniako irabazi-asmorik gabeko erakunde bat da, eta zenbait alderdiri buruzko politikak ezartzen ditu, hala nola datuen bilketari eta argitaratzeari buruzkoak, sistema segurua, egonkorra eta moldakorra dela ziurtatzeko.

Hemen ikus dezakezu ICANN erakundeari buruzko informazio gehiago:

<http://icann.org>

ICANNek kontratuz eskatzen digu Guri eta Zure Erregistratzaileari datu pertsonalak trata ditzagula eta kontratuko betebeharrak indarrean jar ditzagula; betebeharrak horietako batzuk interes-talde ugari osaturiko ICANNen komunitateak ezarri ditu. ICANNek, era berean, aldiro-aldiro txostenak bidaltzeko betebeharrak ezartzen die kontratatutako alderdiei.

Erregistratzailearen eta/edo Banatzaileen zeregina da domeinu-izenak erregistratzeko aukera eskaintzea Erregistro-eskatzaileei, beste zerbitzu batzuekin batera. ICANNen eskakizunen arabera, Erregistro-datuak Erregistratzaileak biltzen ditu eta, ondoren, Erregistrora transferitzen.

Erregistroaren zeregina erregistratutako domeinu-izen guztien gordailu nagusi bat edukitzea da, eta izen horiek Domain Name System (DNS) bidez ebatzea. Erregistroak ez die zuzenean domeinu-izenak erregistratzeko aukera ematen erregistro-eskatzaileei.

Hemen jar zaitezke gurekin harremanetan:

PuntuEUS Fundazioa
Arriola pasealekua 2
20018 Donostia (Gipuzkoa)

Telefonoa: +34 943085051

Helbide elektronikoa: dba@domeinuak.eus

Biltzen ditugun datuak

Komunitatean oinarrituriko goi-mailako domeinu bat garenez, erregistro-datuaren eskakizun zehatzak ditugu. Erregistro-datuak atal honetan deskribatutako datu-multzoa dira, kontaktu guztien datuak eta erabilera asmoa barne.

Erregistratzaileek kontaktu hauei buruzko datuak bildu behar dituzte, eta datu horiek guri bidali.

- Domeinu-izena
- Izen-zerbitzariak
- Erregistro-eskatzailearen izena
- Erregistro-eskatzailearen erakundea
- Erregistro-eskatzailearen kalea
- Erregistro-eskatzailearen hiria
- Erregistro-eskatzailearen posta-kodea
- Erregistro-eskatzailearen probintzia
- Erregistro-eskatzailearen herrialdea
- Erregistro-eskatzailearen telefonoa
- Erregistro-eskatzailearen telefono-luzapena
- Erregistro-eskatzailearen faxa
- Erregistro-eskatzailearen fax-luzapena

Erregistro-eskatzaileari aplikatzen zaizkion datu berak eskatzen zaizkie Administratzailea eta Teknikoa kontaktuei. Datu-elementu berak aplikatzen zaizkio orobat Fakturazioa kontaktuari, baina aukerakoa da.

Erabilera asmoa: halaber, zure domeinu-izena zertarako erabili nahi duzun ere adierazi behar duzu.

Datuen tratamenduaren lege-oinarriak

Kontaktu horiei buruzko informazio pertsonala tratatzeko lege-oinarria DBEOren 6.1.b) artikulua da. Erregistro-eskatzaileari eta erabilera asmoari dagokienez, domeinu-izenaren erregistroa hautagarritasun-eskakizun zehatzen arabera egingo da, bai eta salmenta-ondorengo baliozkotzea ere, kontratua betetzea ahalbidetu asmoz; Administratzailea kontaktuari dagokionez, domeinu-izenak kudeatzeko eragiketak egin behar ditu, hala nola transferentziak, arau-betetzeak eta abar; eta Teknikoa kontaktuari dagokionez, arazo teknikoak daudenean harekin kontaktuan jartzeko aukera eman behar du.

Hirugarrenen datuak biltzen direnean (adibidez, Erregistratzaileari datuak helarazi dizkiona ez denean Erregistro-eskatzailea, Administratzailea edo Teknikoa), Erregistratzailearen ardura izango da hirugarren horiei Erregistratze-politika honen baldintzei buruzko

informazioa ematea (pribatutasunari loturiko ezarpen guztiak barne direla).

ICANN, erregistroa eta erregistratzailea eta, hala badagokio, erregistratzailearen banatzailea datuen tratamenduaren eragileak dira.

Datuak erregistrora transferitzea

Erregistratzaileak goian aipaturiko datuak guri transferitu behar dizkigu. Horren lege-oinarria Datuak Babesteko Erregelamendu Orokorraren (DBEO) 6.1.f) artikulua da, interes zilegia baitugu legez kontrako jokabidearen ereduak identifikatu eta ikertzeko, jabetzaren inguruko gatazketan laguntzeko eta jabetza-datuen gordailu nagusi bat kudeatzeko.

Tratamendu-jarduera horretarako, ICANN eta Erregistroa izango dira tratamenduaren Arduradunak, eta Erregistratzailea izango da datuen eragilea.

Hirugarrenek datuak tratatzea

Egoitza Suitzan duen atzealdeko erregistro-zerbitzuen hornitzaile bat (CORE Association) erabiltzen dugu, hots, hirugarren bat, eta hura izango da zure erregistro-datuen eragilea.

Gu, datu-eragile garen aldetik, datuak gordailu-agente bati ere helaraziko dizkiogu, ICANNen (tratamenduaren Arduraduna) eskakizunak betetzeko, eta baliteke datuak ICANNek izendaturiko larrialdiko atzealdeko eragile bati (EBERO) transferitzea erregistroak huts egiten badu.

Datuak ezagutzera ematea

Ez dugu datu pertsonalik argitaratuko Whois atalean edo ez dizkiegu zure erregistro-datuak (domeinu-izena salbu) hirugarrenei beste

edozein bidetarik ezagutzera emango, ondorengo paragrafoan zehazten diren kasuetan izan ezik.

Datu pertsonalak ezagutzera emateko lege-oinarri bat dagoenean bakarrik emango dira ezagutzera datu horiek, eta kasu bakoitza bere aldetik aztertuta egingo da betiere. Datu horiek ezagutzera emateko lege-oinarria artikulua hauek izan daitezke: 6.1.b) artikulua (URDP eta URS), 6.1.c) artikulua (agintari eskudunek eskatuta) edo 6.1.f) artikulua (hirugarrenen interes zilegi batean oinarrituta).

ICANNek akreditazio-eredurik ezartzen ez badu, datuak ezagutzera emateko eskaera guztiak banan-banan aztertuko dira.

Datuak gordetzea

Erregistro-datuak atzerapenik gabe ezabatuko dira, baldin eta datu-bilketaren xedea bete bada edo desagertu bada. Guk tratatutako datuak ezabatu egingo dira, beranduenez ere datuak gordetzeko nahitaezko epeak iraungi ondoren. DBEOren 17 eta 18. artikuluetan xedatutakoari jarraitzen diogu.

Kontuan izan datuak gordetzeko nahitaezko epe batzuk egon daitezkeela, ICANNek ezarriak. Erregistro-datuak urtebetez gorde beharra gerta liteke, parte hartzen duten alderdien domeinu-izenaren erregistroa bukatzen denetik.

Kontrolatzailearen aurka eskubide hauek balia daitezke:

- Interesdunaren atzitze-eskubidea, DBEOren 15. artikulua.
- Zuzentzeko eskubidea, DBEOren 16. artikulua. Aldaketak zure erregistratzaileari edo birsaltzaileari eskatu behar zaizkio, erregistroak ezin duelako horrelako aldaketarik bere kabuz egin.
- Ezabatzeko eskubidea ('ahaztua izateko eskubidea'), DBEOren 17. Artikulua. Kontuan izan zure datuak ezabatzeko eskatzeak zure domeinu-izena ere ezabatzea ekar dezakeela.
- Tratamendua mugatzeko eskubidea, DBEOren 18. artikulua.
- Datuak transferitzeko eskubidea, DBEOren 20. artikulua.
- Aurka egiteko eskubidea, DBEOren 21. artikulua.

Interesdunak eskubidea du kontrol-agintaritza bati erreklamazioa jartzeko tratamenduaren arduradunak bere datu pertsonalak tratatzearen inguruan.

Datuen egiazkotasuna

Domeinu-izenaren erregistroak dirauen artean Erregistro-datu oker edo akastunik hautematen bada, berehala zuzendu eta eguneratu behar da.

Erregistro-datuen kudeatzea

Zure Erregistro-datuak Datuak Babesteko Erregelamendu Orokorraren arabera bakarrik tratatuko ditugu. Horrez gain, behar diren neurri tekniko eta antolamendu-neurri guztiak hartuko ditugu zure erregistro-datuak galtzea, oker erabiltzea, baimenik gabe atzitu edo ezagutzera ematea, aldatzea edo suntsitzea eragozteko, eta, halaber, aplikagarri den legeak xedatutako beste edozein segurtasun-neurri ere ezarriko dugu.

7. Kalte-ordainak

Lege aplikagarriak baimendutako hein handienez, guztiz defendatuko, kalte ordainduko eta ez kaltegarritzat emango duzu erregistro-operadorea, edozer galeraren, erantzukizunaren, kalteren, kostuen edo gastuen aurrean, zure .eus domeinu-izenaren erregistroaren edota eragiketaren inguruan sortutako gatazkaren (3. xedapena haustea eragindako gatazkak barne, baina horietara mugatu gabe) ondorioz, hirugarrengoen edozer erreklamazioaren, ekintzaren edota eskaeraren aurrean sortutako abokatuaren zentzuzko kuota barne.

8. Politikaren aldaketak

Erregistro-politika hau edozer unetan aldatzeko eskubidea gordetzen dugu. Berrikusitako erregistro-politika indarrean sartu baino hogeita hamar (30) egun natural lehenago argitaratuko dugu. Erregistro-politikaren bertsio hori politika honen mendeko kexaren edo gatazkaren aurkezpenaren ondorioz jadanik aipatu ezean (kasu

horretan, aipatutako unean indarrean zegoen politikaren bertsioa aplikatuko zaizu gatazka amaitu arte), aldaketa horiek guztiak lotesleak izango zaizkizu, domeinu-izenaren edozer erregistro-gatazkari dagokionez, gatazka gure aldaketa indarrean sartu baino lehenago, bitartean edo ondoren sortu zen kontuan izan gabe. Erregistro -politikaren bertsioa aldatzearen aurka izanez gero, zure aukera bakarra zure .eus domeinu-izena baliogabetzea da, baldin eta erregistro-kuota bueltan jasotzeko eskubiderik ez baduzu. Berrikusitako erregistro-politika aplikatuko zaizu, zure domeinu-izenaren erregistroa baliogabetu arte.

9. Indarren dauden legeak eta jurisdikzioa

- 9.1. Erregistro-politika hau euskal, espainiar eta europar legeriaren menpe dago.
- 9.2. Politika hau interpretatzean edo gauzatzean sor litezkeen lege-gatazkak Donostiako auzitegi eskudunek ebatziko dituzte.

10. Hizkuntza

- 10.1. Erregistro-politika hau euskaraz eta ingelesez idatzi da.
- 10.2. Politika honetan jasotakoa interpretatzean zailtasunik sortuko balitz, euskarazko bertsioa hartuko dute aintzat bi aldeek.